

HEADLINES

- ۱۔ مرکزی کابینہ نے اٹھویں تنخواہ کمیشن غی طرفوں پیش کی گئیں تجویزاں نانہ منظوری دے دتی ہے۔
- ۲۔ جموں کشمیر قانون ساز اسمبلی نے سرکاری اراضی ور تعمیر کیا گیا رہائشی مکانات ور مالکیت غا حقوق دتا جان بارے پیش کی گئی پرائیوٹ ممبر بل نانہ مسترد کردتو ہے۔
- ۳۔ کئی ممبراں نے سرکار غی طرفوں دتی گئی یقین دہانی غے بعد پرائیوٹ ممبر بل واپس لے لیا ایں۔
- ۴۔ جموں کشمیر سرکار نے پی ڈبلیو ڈی، جل شکتی، تے پی ڈی ڈی محکماں مانہ تیز تر سطح ور ترقیاں غی خاطر مقررہ ضابطاں مانہ ترمیم کی ہے۔
- ۵۔ جموں کشمیر مانہ ضلع سطح ور مقابلا کرایا جئیں گا تانجے آئیندہ سال 2026 مانہ منعقد کیا جان آلا نوجواناں غا قومی میلہ مانہ جموں کشمیر غی نمائندگی کی جاسکے تے نوجواناں نانہ وزیر اعظم نال ملاقات غو موقعو مل سکے۔

CABINET 8TH PAY COMMISSION

مرکزی کابینہ نے اٹھویں مرکزی تنخواہ کمیشن غی طرفوں پیش کی گئی شرطان نانہ منظوری دے دتی ہے جس نال مرکزی سرکار غا ملازماں تے پنشنراں غی تنخواہاں مانہ بابدو کیو جاسکے گو اچ نوں دلی مانہ کابینہ میٹنگ تیں بعد میڈیا گا نمائنداں سنگ گل کرتا واں اطلاعات و نشریات محکمہ گا وزیر اشونی ویشنو نے جانکاری دیتا واں دسیو جے کمیشن آپنی سفارش اپنا قیام غی تاریخ غے 18 مہیناں غے اندر اندر پیش کرے غو۔ اس موقع ور بولتا واں مرکزی وزیر اشونی ایشنو نے کہیو۔

LAND PROPERTY BILL

جموں کشمیر قانون ساز اسمبلی نے اچ سرکاری اراضی ور بنیا رہائشی مکانات نانہ مالکانہ حقوق دین بارے اک پرائیوٹ ممبر غا بل نانہ مسترد کردتو ہے اس بل نانہ پی ڈی پی غا ممبر وحید پراء غی طرفوں پیش کیو گیو تھو جس غو مقصد ایسی تعمیرات نانہ پناہ غا حق غا حوالہ سنگ باقاعدہ بنانو تھو اس بل غی البتہ وزیر اعلیٰ عمر عبداللہ نے یوہ کہتا واں مخالفت کی جے اس نال سرکاری زمیناں ور کی جان آلی تجاوزات غی حوصلہ افزائی وے گی جد کہ سرکاری اراضی نانہ ہر حال مانہ محفوظ بنا وے غو سرکار نے جناب پراء نانہ بل واپس لین غی

یوہ کہتا وائ درکواست کی جے سرکاری اراضی ور کسے وی صورت مانہ مالکانہ حقوق نی دتا جاسکتا ایم ایل اے وحید الرحمان پراء غا سرکاری اراضی نانہ باقاعدہ بنان تے شفافیت بارے بل اسمبلی مانہ پیش کیا جان ور رد عمل ظاہر کرتا وائ وزیر اعلیٰ عمر عبداللہ نے کہیو۔

ITOO DRUG MEANCE

منشیات غا بدھتا استعمال غی گل منتاں وائ کابینہ وزیر سکینہ اتو نے اج جموں کشمیر مانہ اس بدعت مانہ بوریا باہدا ور تشویش ظاہر کی ہے بی جے پی گا ایم ایل اے سُرچیت سنگھ سلاتھیہ غی طرفوں سانہ ضلع تے دوجا علاقان مانہ پھیل رہی اس بدعت غا معاملہ غو جواب دیتا وائ محترمہ اتو نے کہیو جے سرکار نے اس معاملہ سنگ نمڑن نانہ ترجیحات مانہ شامل کیو وو ہے۔ اُن غو کہنو تھو جے اپنو عہدوسمہالن تیں بعد تمام ضلعان مانہ منشیات چھڑان غا کئی مرکز قائم کیا گیا ہیں اُنہاں نے دسیو جے سکولان تے کالجاں نانہ وی ہدایت جاری کی گئی ہیں جے وے منشیات غی بدعت مانہ مبتلا طالب علمان نانہ ان مرکزان غے حوالے کیو جے تانجے اُن غی مناسب مشاورت تے بازآبادکاری غا بندوبست کیا جاسکیں وزیر موصوفہ نے یقین دوايو جے انتظامیہ منشیات غا بحران ور قابو پان تے اس خاطر سخت کاروائی کرن نالے نگرانی مانہ بابدو کرن غی وعدہ بند ہے۔

BILLS WITHDRAW

کئی ایم ایل اے نے اج اپنا پرائیویٹ ممبر بل واپس لے لیا ہیں اُنہاں نے یہ بل سرکار غی طرفوں دتی گئی اس یقین دہانی غے بعد واپس لیا ہیں جے اُن کی طرفوں ان بلاں مانہ پیش کی گئیں تجویزاں تے تشویشاں ور آئیندہ غی سرکاری پالسیاں مانہ غور کیو جائگو۔ جن ممبران نے پرائیویٹ ممبر بل واپس لیا ہیں۔ اُن مانہ تنویر صادق، محمد یوسف تاریگامی، میرسیف اللہ، نظام الدین بھٹ، الطاف احمد وانی تے مبارک گل شامل ہیں۔ ایم ایل اے وحید الرحمان پراء، تے بلونت سنگھ منکوٹیہ غی طرفوں ان بلاں نانہ قانون ساز اسمبلی مانہ متعارف کران ور زور پایو گیو۔ البتہ زبانی ووٹ تیں بعد ایوان نے ان بلاں نانہ متعارف کران غی اجازت نئیں دتی۔

CM BCCI MEET

جموں کشمیر مانہ کھیڈاں نانہ فروغ دین واسطے ایک اہم قدم غا طورور بی سی سی آئی غا صدر متھن منہاس نے وزیر اعلیٰ عمر عبداللہ تیں ملاقات کی اس ملاقات مانہ جموں کشمیر مانہ کرکٹ نانہ فروغ دین گا اقدامات ور گل بات ہوئی۔ جناب منہاس نے وزیر اعلیٰ نانہ دسیو کہ بی سی سی آئی نوجوان کھیڈاریاں غی تربیت، کھیڈ غا ڈھانچہ نانہ بہتر بنان تے زیادہ مواقع فراہم کرن واسطے مختلف

پروگرام چلا رہی ہے ملاقات مانہ بُنیادی سطح ور کرکٹ نانہ مضبوط بنانو تے
نوجوان کھیڈاریاں غی حوصلہ افزائی غا طریقاں ور گل بات ہوئی۔ حکومت نے اس گل
غو اعدو کیو کہ وہ کھیڈاں غی ترقی تے نوجواناں غی شمولیت نانہ فروغ دین
واسطے پُر عزم ہے۔

PROMOTION AMENDMENT

جموں کشمیر سرکار نے جے اینڈ کے گیزٹیڈ سروس پہرتی ضابطاں سال 1978 مانہ
ترمیم کی ہے تانجے پی ڈبلیو ڈی محکمہ مانہ ترقیاں غی رفتار مانہ بابدو کی و
جاسکے نائیب وزیر اعلیٰ غا دفتر غی طرفوں دتی گئی جانکاری غے مطابق ہر سطح
غا افسراں واسطے مقرر کیا گیا ترقیاں غا عرصہ مانہ 2 سال غی کمی کی گئی ہے
اس راہ ہُن چیف انجنئراں غی ترقی غی کاطر مقررہ 20 براں غی حد مانہ 2 سال غی
کمی کرغے 18 بہراء کردتی گئی ہے سپرائٹنڈنگ انجنئراں واسطے ترقی غی خاطر
ہُن 15 بہرا ضروری رکھیا گیا این تے نال ہی ان ترقیاں غی خاطر اک سال غو کھٹوں
کھٹ عرصہ واسطے ایگزکیوٹیو انجنئر غا عہدہ ور رہنو وی لازمی ویگو اسے طرح
ایگزکیوٹیو انجنئر گا عہدہ ور ترقی واسطے 6 تیں 8 بہراں غو عرصو مقرر کیو گیو ہے
جس مانہ 2 سال اسٹینٹ ایگزکیوٹیو انجنئر غا عہدہ ور رہنو لازمی وے گو ترقیاں غی
خاطر مقررہ کیا گیا یہ نواں ضابطا محکمہ جل شکتی تے پی ڈی ڈی ور وی لاگو
ویں گا۔

NATIONAL YOUTH FESTIVAL

نوجواناں غی خدمت تے کھیڈاں غو محکمو جموں کشمیر نیشنل یوتھ فیسٹیول
واسطے ضلعی سطح ور مقابلہ 2026 Young Leaders Dialogue وکست بھارت
منعقد کرن جارہیو ہے ضلع سطح ور جتن آلاں نانہ یوٹی سطح غا مقابلان مانہ
حصو لین گو موقعو لبے غو تے وہ قومی سطح ور جموں کشمیر غی نمائندگی کرتا
واں وزیر اعظم نریندر مودی تیں ملاقات کرن غو موقعو حاصل کریں گا۔ 15 تیں 29
سال غی عمر گا نوجوان لوک ناچ، گیت، تصویر نقاشی، شاعری، تقریر، کہانی نویسی
غی ویب mybharat.govin جیسا مقابلہ مانہ حصو لے سکیں غا، اندراج واسطے
سائیٹ ور جیں یا پھر 8899666225 ور رابطو کریں۔ اس تقریب غو مقصد نوجواناں
مانہ تخلیقی صلاحیت تے قوم سازی غا جذبہ نانہ پیدا کرنو ہے۔

MARRIAGE ASSISTANT REACTION

جموں کشمیر سرکار غی طرفوں غریب لڑکیاں نانہ مالی امداد دین غی خاطر تعلیمی
قابلیت غی مقررہ شرط مانہ کی گئی نرمی غو لوکاں نے خیر مقدم کیو ہے اک
سرکاری حکم نامہ غے مطابق اس سکیم مانہ اٹھویں جماعت پاس غی رکھی گئی

شرط ختم کردتی گئی ہے تے یاہ رعایت 31 مارچ سال 2028 توڑی جاری رہ غی سماجی بہبود افسر ضلع ریاسی سچن شرما نے اس بارے گل کرتا واں کہیو جے اس فیصلہ سنگ غریب لڑکیاں نانہہ باختیار بنان مانہہ مدد ملے غی نالے بہبودی فائداں توڑی رسائی مانہہ توسیع ہوسکے گی اُن غو کہنو تھو جے اس توں پہلاں کئی غریب لڑکیاں غی درخواست اس گلوں مسترد کردتی جئیں تھی کیونجے وے تعلیمی قابلیت غی مقررہ شرط پوری نی کرسکیں اُن اس گل نانہہ یقینی بنایو گیو بے جے کسے وی مستحق لڑکی نانہہ شادی غی خاطر دتی جان آلی سرکاری مالی امداد تیں محروم نی کیو جائگو آکاشوانی نیوز سنگ گل کرتا واں اُنہاں نے کہیو۔

JOINT VISIT OCTROI

فوج، بی ایس ایف، سی آر پی ایف، آئی بی تے جموں کشمیر پولیس گا افسراں غی ایک مشترکہ ٹیم نے سچیتگرھ سیکٹر مانہہ سرحدی چوکی اکٹروئی گو دورو کیو تانجے سرحدی نگرانی واسطے ڈھانچہ ت ٹیکنالوجی غو جائیزو لیو جاسکے یوہ دورو بی ایس ایف غی جانب تیں 15 تیں 29 اکتوبر توڑی جاری شہری تے فوج غے بشکار ہم آہنگی غا منصوبہ غے تحت منعقد کی وگیو۔ اس غو مقصد مختلف ایجنسیاں غے بشکار ہم آہنگی تے تعاون نانہہ بہتر بنانو بے بی ایس ایف غا افسراں نے شرکاء نانہہ نگرانی دراندازی غی روک تھام تے سرحدی آبادی غا مسائل ور تفصیلی معلومات فراہم کی اس قدم تیں حفاظت تے خفیہ ایجنسیاں غے بشکار باہمی سمجھ مانہہ مزید بہتری آئی ہے جھپڑا ملک غی سرحداں غی حفاظت کر رہیا ہیں۔

PROG ANN

ریجنل نیوز یونٹ آکاشوانی جموں غی طرفوں آئیندہ 30 اکتوبر نانہہ 25 منٹاں ور مبنی سوچھتا بھارت مشن گرائیں غا موضوع ور خصوصی گل بات غو اک پروگرام نشر کیو جائگو یوہ پروگرام سوچھتا پکھواڑا سال 2025 غا اختتامی موقع ور نشر کیو جائیگو یوہ پروگرام 30 اکتوبر دوپہر 12 بجے نشر کیو جائیگو اس پروگرام مانہہ مارا خصوصی مہمان زبیر اباس بھٹ جھپڑا ڈپٹی ڈائریکٹر محکمہ رورل سینیٹیشن جموں ویں گا جد کہ پروگرام مانہہ میزبانی غا فرائض شروتی کھجوریہ انجام دیں غی یوہ پروگرام آکاشوانی نیوز جموں تیں میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُنیو جاسکے گو۔
